



Notat

Dato: 18.11.2015
Arkivsak: 2015/5638-5
Saksbehandlar: lisadla

| | |
|-------------|-----------------|
| Til: | Kontrollutvalet |
| Frå: | Fylkesrådmannen |

Svar til kontrollutvalet - handlingsplan for oppfølging av forvaltningsrevisjon av drift og vedlikehald av fylkesveggar i Hordaland

Deloitte har gjennomført ein forvaltningsrevisjon av drift og vedlikehald av fylkesveggar i Hordaland. Denne forvaltningsrevisjonen vart oversendt til Hordaland fylkeskommune den 02.09.2015.

Fylkestinget gjorde slik vedtak i sitt møte den 13.10.2015:

På bakgrunn av forvaltningsrevisjonsrapport innan "Drift og vedlikehald av fylkesveggar", ber fylkestinget fylkesrådmannen syte for å:

- 1. Etablere ei arbeidsgruppe for oppfølging av strategien for drift og vedlikehald av fylkesvegane i Hordaland.*
- 2. Utarbeide ein samla tiltaks- og handlingsplan for arbeidet med strategien for å redusere forfallet på vegnettet.*
- 3. Utarbeide rutinar for gjennomføring av risikovurderingar.*
- 4. Rapportere årleg om status på strategien til politisk nivå.*
- 5. Utarbeide ein kontraktsstrategi for drift og vedlikehald av fylkesvegnettet i Hordaland.*
- 6. Etablere rutinar for å følgje opp og rapportere effektar av dei samla tiltaka i strategien.*
- 7. Utarbeide eit system for prioritering, bruk og rapportering av løyvingane som synleggjer i kva grad ein når målet om å styrke vedlikehaldet av fylkesvegane.*
- 8. Lage ein handlingsplan innan 01.12.2015 som viser kva tiltak som skal setjast i verk for å følgje opp tilrådingane i rapporten, når tiltaka skal setjast i verk og kven som skal ha ansvaret for iverksettinga.*

I møte i fylkesvegrådet 21.10.2015 vart det formelt sett ned ei arbeidsgruppe til dette arbeidet. Arbeidsgruppa har representantar frå Statens vegvesen (SVV) og samferdselsavdelinga i Hordaland fylkeskommune (HFK). Arbeidsgruppa sitt mandat er å svare ut tilrådingane i revisjonsrapporten. For å følgje opp tilrådingane i rapporten har fylkesrådmannen starta opp eit arbeid for å rullere gjeldane drift- og vedlikehaldsstrategi. Rulleringa vil ta opp i seg tilrådingane i revisjonsrapporten, og er fylkesrådmannen sitt svar på at det skal utarbeidast ein handlingsplan innan 01.12.2015, jf pkt 8.

Drift- og vedlikehaldsstrategien vil gå inn som ein del av arbeidet med rulleringa av Regional Transportplan (RTP). Det vert lagt opp til ei handsaming av dette dokumentet før RTP vert handsama politisk. Dette inneber ei handsaming av drift- og vedlikehaldsstrategien i fylkestinget i oktober 2016. Undervegs i arbeidet vil det verte orienteringar til Utval for miljø og samferdsel (MISA).

Framdriftsplan for arbeidet med drift og vedlikehaldsstrategien:

| Framdriftsplan | 2015 | | 2016 | | | | 2017 | | | |
|---|------|---|------|---|---|---|------|---|---|---|
| | 3 | 4 | 1 | 2 | 3 | 4 | 1 | 2 | 3 | 4 |
| Forprosjekt | | | | | | | | | | |
| Oppstartsfase | | | | | | | | | | |
| Analyse og kunnskapsinnhenting | | | | | | | | | | |
| Utarbeide delstrategiar | | | | | | | | | | |
| Politisk vedtak | | | | | | | | | | |
| Gjennomføring av handlingsprogram/ Plan og byggeprogram (årleg) | | | | | | | | | | |
| Rullering av handlingsprogram/Plan og byggeprogram (årleg) | | | | | | | | | | |
| Rullering av strategiplanen ved behov | | | | | | | | | | |

Særlege moment som vil inngå i rulleringa av drift- og vedlikehaldsstrategien, utover det som er peika på i revisjonsdokumentet, er:

- Kartleggingsarbeid i samband med ny Tunnelsikkerhetsforskrift
- Kartleggingsarbeid av fylkesvegbruene
- Etterslep når det gjeld drift og vedlikehald
- Klimatilpassing av drift- og vedlikehald av vegnettet
- Organisering, drift og finansiering av veglys
- Drift av leskur/busskur for kollektivtrafikken
- Vinterdrift for sykkel